

Muhyiddin Ucap Takziah Tragedi Bot Karam
Bernama
31 Mei, 2013

KUALA LUMPUR, 31 Mei (Bernama) -- Timbalan Perdana Menteri Tan Sri Muhyiddin Yassin hari ini mengucapkan takziah kepada keluarga mangsa tragedi bot ekspres karam di Sungai Rajang, Sarawak, Selasa lepas.

"Bersama kita doakan keselamatan mangsa yang masih hilang," katanya di laman facebook beliau.

Muhyiddin turut mengucapkan terima kasih kepada pasukan penyelamat yang terlibat dalam usaha mencari dan menyelamatkan mangsa yang masih hilang.

Bot ekspres sarat dengan penumpang yang ingin pulang untuk sambutan Hari Gawai itu karam di Giam Bungan, Sungai Rajang dekat Belaga.

Lebih 190 penumpang dilaporkan selamat dalam kejadian itu, seorang mati dan empat masih hilang.

-- BERNAMA

Copyright © 2013 BERNAMA

Source: <http://www.bernama.com/bernama/v7/bm/newsindex.php?id=953324>